

(中華郵局特准掛號立券認爲新聞紙類)

中華民國十三年八月十六日

第一百五十三期

膠澳商埠 總商會報

本報價目

每週兩期每期一角

全 年 八 角

外埠每月加郵費四分

電 話 第 七 百 六 十 三 號

膠澳商埠督辦公署秘書處編纂股發行

命令目錄

大總統令

膠澳商埠督辦公署訓令第一七四七號

膠澳商埠督辦公署訓令第一八一二號

膠澳商埠督辦公署訓令第一八一三號

膠澳商埠督辦公署訓令第一八一六號

膠澳商埠督辦公署訓令第一八二三號

膠澳商埠督辦公署訓令第一八二八號

膠澳商埠督辦公署訓令第一八三〇號

膠澳商埠督辦公署訓令第一八三一號

膠澳商埠督辦公署訓令第一八三八號

膠澳商埠督辦公署訓令第一八四二號

膠澳商埠督辦公署訓令第一八四七號

膠澳商埠督辦公署指令第二六九六號

膠澳商埠督辦公署指令第二七〇四號

膠澳商埠督辦公署指令第二七二三號

膠澳商埠督辦公署指令第二七二九號

膠澳商埠督辦公署指令第二七三〇號

膠澳商埠督辦公署指令第二七三九號

膠澳商埠督辦公署指令第二七四一號
膠澳商埠督辦公署指令第二七四五六號
膠澳商埠督辦公署指令第二七五三〇號
膠澳商埠督辦公署指令第二七五六號

公牘

膠澳商埠督辦公署公函第七〇三號

膠澳商埠督辦公署公函第七三九號

膠澳商埠督辦公署布告第四一號

膠澳商埠督辦公署批第九二八號
膠澳商埠督辦公署批第九三五號

批示

膠澳商埠督辦公署批第九二四號
膠澳商埠督辦公署批第九二八號
膠澳商埠督辦公署批第九三五號

膠澳商埠督辦公署批第九五三號

山東青島地方審判廳刑事判決(共七件)

▲命令▼

大總統令

據財政部呈稱比年以來京外各官廳及公共團體或以提倡商業爲請或以維持公益爲詞動請豁免稅釐而各機關亦或逕行核准甚至各官廳向外商訂立合同亦自定豁免稅釐條款長此紛歧既礙稅政統一尤恐流弊叢生等語各項稅課關係國家正供應由財政部專事鉤稽藉免凌亂嗣後無論京外各機關凡關於免稅免釐事項均須商由財政部斟酌情形提交國務會議核定以一事權而重課政此令

特任鄧本殷爲節威將軍此令

周駿加陸軍上將銜黃楨祥王秉俊均授爲陸軍中將陸繼名授爲陸軍步兵上校蔣澤芳授爲陸軍一等軍醫此令

陸軍總長陸錦呈請授葛家偉爲陸軍騎兵中校王翰章戴銘忠爲陸軍步兵少校劉壽山爲陸軍二等軍需正均照准此令

財政總長兼鹽務署督辦王克敏呈請任命郝嗣勳試署兩浙兩浦場知事應照准此令

陸軍總長陸錦呈請任命陸乃聖爲陸軍第二十三師步兵第九十二團第一營營長張錫敬爲第四十六旅少校副官均照准此令

中華民國十三年八月八日

陸軍上將勳一位安武將軍前長江巡閱使安徽督軍倪嗣冲起家牧令才識閑深民國以來久綰疆符勳勤懋著於治兵勦匪興學課農諸大政均能規畫久遠嘉惠梓桑保障江淮厥功甚偉前以積勞致疾開缺養疴眷念于城時殷塵系茲聞溘逝悼悟良深倪嗣冲著追贈安武上將軍交陸軍部照陸軍上將例從優議卹給予始喪銀三千元派轟憲藩前往致祭生平事蹟宣付國史立傳靈柩回籍時著沿途地方官妥爲照料用示篤念盡勞之至意此令

特任劉眷藩爲寅威將軍此令

特任王鴻恩爲秩威將軍此令

特任陳洪範爲諒威將軍此令

特任劉文輝爲潔威將軍此令

任命劉弼良陳能芳爲將軍府將軍劉邦俊李鑄郝熹余昂劉乃鑄王銘章鍾光輔馬毓智夏首勛謝家駒喬得壽申啓藩羅澤洲游廣居楊秀春林翼如爲將軍府參軍此令

暫行代理部務司法次長薛篤弼呈監犯楊遠金等行狀善良悛悔有據擬請宣告減刑免刑等語本大總統依照憲法第八十七條宣告將該犯李暢顧福才李筱如孫德康陳國祥顏小松蔣三均予免刑原判處一等有期徒刑十年之楊遠金減處二等有期徒刑五年原判處一等有期徒刑十二年之陳永財陳貴琴汪鴻亮均減處二等有期徒刑九年以昭激勸餘如所擬辦理此令

暫行代理部務司法次長薛篤弼呈監犯曹阿高等行狀善良悛悔有據擬請宣告免刑減刑等語本大總統

依照憲法第八十七條宣告將該犯曹阿高陸玉田紀虞聰趙瑞興胡文濤胡文有倪望翠金興弟均予免刑原判處一等有期徒刑十二年之汪有選減處二等有期徒刑八年以昭激勸此令

暫行代理部務司法次長薛篤弼呈監犯陳殿樹等行狀善良悛悔有據擬請宣告減刑免刑等語本大總統依照憲法第八十七條宣告將該犯鄭思源沈貫祿卽沈二均予免刑原判處二等有期徒刑八年之陳殿樹減處三等有期徒刑四年十月原判處無期徒刑之王玉源減處一等有期徒刑十五年原判處一等有期徒刑十年二月之孫如珠減處二等有期徒刑五年原判處一等有期徒刑十一年之朱鴻章減處二等有期徒刑八年原判處一等有期徒刑十年之吳文德減處二等有期徒刑六年以昭激勸此令

暫行代理部務司法次長薛篤弼呈監犯丁容盛等行狀善良悛悔有據擬請宣告減刑等語本大總統依照憲法第八十七條宣告將原判處無期徒刑之丁容盛減爲執行徒刑二十年原判處無期徒刑之嚴小方二汪志田劉文長楊義貴均減爲執行徒刑十七年原判定執行徒刑十五年之余大章減爲執行徒刑八年原判定執行徒刑十二年十一月十六日之方老四減爲執行徒刑八年以昭激勸此令

中華民國十三年八月九日

暫行代理部務司法次長薛篤弼呈監犯劉春華等行狀善良悛悔有據擬請宣告減刑免刑等語本大總統依照憲法第八十七條宣告將該犯劉春華左老五毛遠符高在寶邵玉兆趙玉祥趙羅氏曾王氏程何氏劉王氏均予免刑原判定執行徒刑十年二月之蔡家玉卽蔡家煜減爲執行徒刑七年原判處無期徒刑之徐大貴減爲一等有期徒刑十五年李福祥減處一等有期徒刑十四年以昭激勸此令

暫行代理部務司法次長薛篤弼呈監犯孟憲武等行狀善良悛悔有據擬請宣告減刑免刑等語本大總統依照憲法第八十七條宣告將該犯孟憲武李發張殿魁均予免刑原判處一等有期徒刑十年之王成減處二等有期徒刑七年原判處一等有期徒刑十五年之張文減處一等有期徒刑十二年原判處執行徒刑十年之李青山減爲執行徒刑六年原判處執行徒刑十八年之何雲丹減爲執行徒刑十三年原判處執行徒刑十七年之呂山減爲執行徒刑十四年以昭激勸此令

暫行代理部務司法次長薛篤弼呈監犯李恩慶等行狀善良悛悔有據擬請宣告減刑免刑等語本大總統依照憲法第八十七條宣告將該犯常林陳富倉孫振山趙繼先單德榮田興楊國慶劉惠興均予免刑原判處一等有期徒刑十年之李恩慶減爲二等有期徒刑六年以昭激勸此令

暫行代理部務司法次長薛篤弼呈監犯歐振江等行狀善良悛悔有據擬請宣告免刑減刑等語本大總統依照憲法第八十七條宣告將該犯歐振江母柏林郭小先閻小四劉二圪塔均予免刑原判處一等有期徒刑十一年之邱作模減處二等有期徒刑五年以昭激勸餘如所擬辦理此令

中華民國十三年八月十日

膠澳商埠督辦公署訓令 第一七四七號

令
青島總商會
台東鎮商會
台西鎮商會

爲令行事案查前准

農商部來咨以本埠滄口台東台西三處商會均未報部核准有案青島既經設立總商會祇可於滄口台東台西三處擇設一商會並與總商會協定區域以免爭執等因業經本署分令該總商會等會同討論辦法以憑決擇在案茲閱報載該會有於近中改選職員之說是否屬實尙未據呈報到署無從懸揣查部咨既經規定除總商會外祇准添設商會一處之辦法自應遵照前令各節從速開議以期根本解決此項問題尙未具體決定以前未便先行改選職員俾免發生障礙轉滋糾紛爲此令仰該總商會遵照如有前項情事應卽暫行延期俟該商會本身問題解決後再爲舉行毋違切切此令

中華民國十三年八月八日

膠澳商埠督辦公署訓令 第一八一二號

令 滄 口 商 會

爲令行事案查前據該會呈送章程及職員表請咨部立案等情當以本埠已設有青島總商會及台東台西兩商會共爲三處滄口地方應否添設商會尙須斟酌盡善方可成立經於七月十一日據情轉咨

農商部核辦去後茲准咨復以台東台西及滄口三處商會均未報部核准有案青島既經設立總商會按照商會法之規定如有添設商會之必要祇可於滄口台東台西三處擇一商務繁盛者添設一商會並與總商會協訂區域各於章程內明白規定以免爭執等因前來查部咨辦法限制甚嚴自應遵照辦理以資解決惟按照本埠現在情形除青島總商會外如實須添設商會一處應將滄口台東台西三處商務之比較究以何

處最爲繁盛更就地勢便利而論究於何處添置爲宜以上各節均關重要即仰該商會迅速會同青島總商會暨台東台西兩鎮商會招集公正紳商詳爲討論果有添設商會之必要時務宜破除成見擇定一處當衆表決並與總商會協訂區域遵照商會法各條分別擬具章程等件呈請立案其餘商會均當裁撤或改組爲分事務所俾免抵觸除分行外合亟抄發本署與農商部往返咨文各一件令仰該會遵照限文到十日內會同議決具報以憑核奪切切此令

抄發本署及農商部咨文各一件

中華民國十三年八月七日

膠澳商埠督辦公署訓令 第一八一二號

令
青島總商會
台東鎮商會

爲令行事案查商據滄口商會呈送章程等件請咨部立案等情當以本埠已設有青島總商會及台東台西兩商會共爲三家滄口地方應否添設商會尙須斟酌盡善方可成立經於七月一日據情轉咨農商部核辦去後茲准咨復以台東台西及滄口三處商會均未報部核准有案青島旣經設立總商會按照商會法之規定如有添設商會之必要祇可於滄口台東台西三處擇一商務最繁盛者添設一商會並與總商會協訂區域各於章程內明白規定以免爭執等因前來查部咨辦法限制甚嚴自應遵照辦理以資解決惟按照本埠現在情形除青島總商會外如實須添設商會一處應將滄口台東台西三處商務之比較究以何處最爲繁

盛更就地勢便利而論究於何處設置爲宜以上各節均關重要卽仰該

總商會迅速會同
商

會

滄口台東台西三處商
青島總商會暨滄口台
青島總商會暨滄口台

西南處商會
東南處商會招集公正紳商詳爲討論果有添設商會之必要時務宜破除成見擇定一處當衆表決並與總商會協訂區域遵照商會法各條分別擬具章程等件呈請立案其餘商會均當裁撤或改組爲分事務所俾免抵觸除分行外合亟抄發本署與農商部往返咨文各一件令仰該會遵照限文到十日內會同議決具報以憑核奪切切此令

抄發本署及農商部咨文各一件

中華民國十三八年七月七日

膠澳商埠督辦公署訓令 第一八一六號

令 警 察 隸

爲訓令事案據普濟醫院呈稱案奉鈞令內開據本署調查員密陳奉天路日警派出所近有通告略以青海路有病倒苦力一名驗係虎列拉患者已送醫院收容凡我邦人應研究預防方法等語查虎列拉赤痢等症爲夏季最宜發生之傳染病若不從事注意實屬堪虞等情前來合亟令仰該院轉飭傳染病院遵照迅即設法預防對於此種疾病之患者應卽隨時收容妥爲隔離嚴密消毒以期切實防範而杜傳染等因奉此遵查前據附屬傳染病院報稱七月二十六日夜間經警署送來病倒苦力魏守鳳一名當經施行細菌檢查實非

真性霍亂病症遂設法治療業於是月三十日痊愈函由警署派警帶領出院等情據此奉令前因當係日警派出所傳聞誤會現在該患者細菌檢查之玻璃片仍存傳染病院此足資證明者也惟值茲夏令易滋時疫預防之法除飭該院特別注意外並擬檢查此項疾病材料以憑檢定而資防範應請飭下警察廳轉飭所屬嗣後遇有染患時令泄瀉等項類似霍亂者應即檢取糞便少許封貯磁器或玻璃瓶內編列號數隨時送由職院附屬傳染病院按號檢查以憑研究而杜病源理合備文呈復鈞署鑒核施行等情前來據此查該院所陳預防時疫辦法自屬可行合亟令仰該廳轉飭所屬一體遵照對於時疫等症務宜注意調查倘查有此類疾病患者應即檢取糞便少許封貯磁器或玻璃瓶內送院檢查或將患者速送入院詳細診視以憑研究而杜病源是爲至要切切此令

中華民國十三年八月七日

膠澳商埠督辦公署訓令 第一八二二號

令監理股主任果樹人

爲訓令事本署前以青島至塔連島間海底電線所關甚大亟待籌畫妥善辦法以資處置迭經令行電話局港政局核議去後茲據各該局先後呈復以此項海線之設置於軍事上商業上均有莫大利益擬請保留修復以便交通所需修理費用約計三萬元等情前來查前項海線既有興修之必要自應妥爲籌畫以利進行惟修復費用究需實數若干自非詳切調查無從估計合將各該局原呈抄發令仰該員遵照迅即前往該處切實查明詳細估計逐項列表尅日呈復以憑核奪切切此令

抄發電話等局原呈一件

中華民國十三年八月九日

膠澳商埠督辦公署訓令 第一八二八號

令觀象臺

爲令行事宜准

稅務處陽電內開貴埠觀象臺向上海購無線電收信機前准上月真電當經商請陸軍部給照暨咨交通部核准現在甫經交通部核復本處業已電令江海膠海等關分別驗放矣特復等因准此合亟令仰該臺卽便遵照辦理可也此令

中華民國十三年八月九日

膠澳商埠督辦公署訓令 第一八三〇號

令警察廳

爲訓令事查發見路倒淹斃無名屍體照章應由該管區署警察以及地保人等轉報法庭派員檢驗有無傷痕填具檢驗書後方得棺殮並拍照存案以待認領乃近來各處呈報發見屍體之案間有未報法庭檢驗卽行殮埋殊非慎重之道爲此令仰該廳卽便轉飭所屬各區署一體遵照嗣後無論水陸地方發見屍體均須按照法定手續辦理不得草率從事毋再玩忽致干未便凜遵切切此令

中華民國十三年八月十一日

膠澳商埠督辦公署訓令 第一八三一號

令
青
總
商
會
各
機關

為令行事案准

山東省長公署函開案據博覽會基金證券山東經理局局長方龢摺稱竊局長前奉共和紀念萬國博覽會督辦令派經理山東全省第一期基金證券當經呈蒙鈞座通飭各屬切實勸銷計第一期山東經理處銷券一千五百餘張按券面金額合洋一萬五千餘元曾於本年五月十八日在天津總商會當衆開籤第一籤得獎券係由河南局撥券經江西實業廳發售金溪縣宋商得之本省與煙黃分處各得第五籤一獎其他應得小獎各券業經職局屢次登報催兌其不中籤各券亦經函託經銷各機關代為調查券額編號預備彙案遞報博覽會請發正式證券給換以昭信用各在案茲復奉令在山東設局辦理第二期經銷證券事務指定區域為山東全省並頒發木質鈐記一顆局長遵即繼續辦公並將啓用鈐記日期呈報在案惟查各省經理局經銷此項基金證券每期照章當在五千張即券面金額五萬元以上方符預算定額查第一期結算除河南江西等局銷券各逾五千張定額以上外其他各經理處均多缺額以致收入總額僅符開籤兌獎而於博覽會基金之籌備絲毫無補故於二期辦法略加改良第一期各經理處經銷成績擇其左中等以上者次期均予改組設局以利進行而資鼓勵局長前在經理處經銷第一期證券銷額雖不甚多然比較各經理處成績

尚在中等以上自非仰賴我憲愛國熱誠多方主持難收斯效現在一期券務甫結復奉令續辦次期銷額之預約倍增而進行之後效益艱惟有仍懇鉤座援照一期辦理成例俯准令飭實業廳財政廳鹽運使警務處省會警察廳烟酒事務局四道尹市政廳總商會商埠商會烟台商會各縣知事盡量認購並切實推銷俾資提倡而固基金則博覽會得以早日開成國家大規模之榮典不致半途墮落反貽萬國之恥笑是於造福人民爭榮列國關係殊非淺鮮局長用敢不揣冒昧懇切陳詞是否有當伏乞鑒核飭屬切實遵行再分配各縣推銷數目擬照河南等省派數略減每縣多者五六百元少者一二百元按地方情形支配數目既不甚多收效尚望有着擬請分行各縣切實辦理盡額推銷免誤國家榮典實爲公便等情到署據此除指令並飭實業廳轉行各縣遵照外相應函請查照等因准此查該會第一期證券之發行曾經本署通令倡銷在案茲准前因自應協力贊助俾廣銷售除分行外合亟令仰該會遵照切實提倡以利進行切切此令

中華民國十三年八月十一日

膠澳商埠督辦公署訓令 第一八三八號

令 各 機 關 學 校

爲令行事案查審計法施行規則厘定各機關每月於十五日以前編送上月支出計算書送由主管機關核轉歷經本署通令遵照在案乃查各該處按月造報者固屬不少而遲延不送置若罔聞者亦居多數言之諄諄聽者邈邈不惟有違定章抑失本署整理計政之至意現在十二年度業告結束按照審計法施行規則第七條所載於年度經過後三月以內編成歲入歲出決算報告書之期限轉瞬即屆須知各月計算書爲決算

之根基計算不完決算即無由着手一處遲延全埠卽爲之懸擱此項年度決算甚關重要與其臨渴掘井感受困難曷如未雨綢繆徐圖整理自經此次通令之後所有該領支款項凡係十二年年度內支出者無論經常臨時均須於八月末日以前一律造送到署以憑核辦倘仍蔑視法令逾越限期經手員司固屬責無旁貸自應從嚴懲處卽各該長官督率不力亦屬咎有難辭縱有特別情形偶爲事實上之困難不能按照法定期限造報亦應先事詳細陳明理由聽候本署指示機宜酌予限期切勿因循遺誤自取咎戾除分令外合行令仰該 遵照辦理勿切切此令

中華民國十三年八月十一日

膠澳商埠督辦公署訓令 第一八四二號

令總務科科長郭大中

爲訓令事案查畜產同業公會與牛商雙德棧等互控一案前曾令委該員詳查具復尙未據呈復前來茲續據畜產同業公會以雙德棧等糾合無票營業之牛商設所包販並有勾結日人頂名代宰之事復據益豐號鋪掌韓其昌以前控畜產公會呈內列名蓋章係櫃夥受人愚弄各等情先後呈訴到署據此查該公會所訴與益豐號之聲明是否屬實抑有挾嫌捏誣情事均須澈底根究除批示外合將原呈批稿各二件令發該員查收仰卽按照呈稱各節併案切實調查尙以憑核辦毋稍延誤所發呈批俟查明後連同前項卷宗一併呈繳歸檔併仰遵照此令

計發呈批各二件

中華民國十三年八月十三日

膠澳商埠督辦公署訓令 第一八四七號

令
總
審
會

爲令知事查本埠典當營業亟應釐定規則藉資管理茲由本署訂定膠澳商埠典當業管理規則業於本月十三日公布除分行外合行檢發該項規則令仰該廳會即便轉行遵照辦理此令

計發典當業管理規則十二份

中華民國十三年八月十三日

膠澳商埠督辦公署指令 第一六九六號

令公立李村兩級小學校

呈一件呈擬裁去教員蕭元珞等並更換教員兼庶務胡顯楷等情應予照准派員接替教員兼庶務俟新校長接收清楚後呈候查核辦理由

據呈已悉擬請裁去教員蕭元珞李郁文二員以資撙節事屬可行應予照准該校常年經費自八月分起應即按照前令除去核減數目再行改定按月平均經費預算數目以便請款而符實數至更換教員兼庶務胡顯楷准如所請辦理惟須將該員經手一切款項歸入該校長交代案內認真清算如果查有含混侵蝕確據應即責令該兼庶務員如數賠償以重公款所請派員接替一節仰候新校長接任後呈請核辦併卽知照毋

遠切切此令

中華民國十三年八月六日

膠澳商埠督辦公署指令 第二七〇四號

令普濟醫院

呈一件 呈復七月二十六日夜間並無患虎列拉病者請飭警廳遇有泄瀉等症者卽取糞便送院研究由呈悉查所變檢查疾病材料爲預防辦法尙屬可行已另令警廳遵照辦理矣仰卽知照此令

中華民國十三年八月七日

膠澳商埠督辦公署指令 第二七一二號

令 港 政 局

呈一件 呈復遵令暫行施放午炮請飭觀象台趕速籌備由

呈悉查施放午炮器具以及各項設備旣據呈稱已移交觀象台管理自應由該台籌備接收以免兩歧除令飭觀象台趕速接收外其在手續籌備未完之前仍暫由該局辦理併仰知照此令

中華民國十三年八月八日

膠澳商埠督辦公署指令 第二七二四號

令 港 政 局

呈一件 呈復英商和記洋行報取煙葉所持提單未註明外洋等字樣並未扣留業已如數提出由

呈悉已據情函復英領事查照矣仰卽知照此令

中華民國十三年八月八日

膠澳商埠督辦公署指令 第二七二九號

令 水 道 局

呈一件 呈擬通告本埠工業用水各家於民國十四年一月以後得一律施以限制由呈暨通告一紙均悉據報擬於民國十四年一月以後得限制工業用水一節所見甚是應准如擬辦理仰卽通告施行可也此令通告存

中華民國十三年八月九日

膠澳商埠督辦公署指令 第二七三〇號

令 港 政 局

呈一件 呈復青塔海底電線處置辦法以保存修理爲宜未可輕議更張由

呈悉查前項海底電線修復費用究需費實數若干自非詳切調查無從估計已令派本署監理股主任果樹人詳查具覆再爲核奪仰卽知照此令

中華民國十三年八月九日

膠澳商埠督辦公署指令 第二七三九號

令 警 察 廳

呈一件 呈復遵令先行審訊紀嘉錫被匪強索錢物案內匪犯陳慶恩等經過情形由

呈贊抄供均悉查本案據事主紀嘉錫供稱那矮個年輕的用手中小刀扎傷我太陽穴而陳慶恩劉雲盛張吉富等供則均稱係用翦子扎傷等語須知案情重要之點即在劉雲盛等是否攜帶兇器前往詐嚇抑係目的只在詐財因見紀嘉錫識破抗拒遂順手用桌上翦子將其扎傷案關罪名出入豈可稍事疏忽必須訊明扎人兇器究爲何人所攜何人所扎俾成信讞現在該犯贊事主等供詞各異宜先從辨別傷痕爲入手辦法是刀是翦傷口迥然不同驗明事主傷痕後再爲提犯隔別研鞠互相質證自屬無從推諉避重就輕罪名方可確定乃來呈未將傷單抄附文內又不聲敘殊覺未合而對於陳慶恩張吉富等所供紀楊氏與劉雲盛原有一姦情一節是否屬實抑爲有意污衊並不加以根究似嫌掛漏又紀嘉錫家旣經搜出賣煙舊賬並煙泥煙水等件紀嘉錫販賣鴉片供人吸食證據確鑿亦有應得之罪查紀嘉錫之供詞雖未承認紀嘉錫傷愈後亦應研究明確一律究辦仰卽改派具有經驗學識之審理員提同全案人犯另行詳細審訊錄取確供並將驗單一併抄送到署再爲核奪毋延切切此令抄供五紙存

中華民國十三年八月九日

膠澳商埠督辦公署指令 第二七四一號

令 警 察 麵

呈一件 呈報承辦衛生事務所倒斃白馬情形由

呈悉仰仍查照定章轉飭該所如數賠償毋違切切此令

中華民國十三年八月九日

膠澳商埠督辦公署指令 第二一七四六號

令 警 察 麵

呈一件 呈復遼查日盛永保和棧二家爲福盛棧担保領照屬實
暨傳儀德順成等
迅報註冊情形 由

呈悉仰仍轉飭各牛商等遵照定章迅速來署註冊以便查考此令

中華民國十三年八月十一日

膠澳商埠督辦公署指令 第二一七四八號

令台東鎮商務會

呈一件 呈請飭工程科格外從寬檢驗工程由

呈悉查建築事項關係市政綦爲重要深恐一般市民不明原理以致所築房屋不利衛生妨礙交通害及公
安或構造不合工程孫學危險堪虞或外觀不合市區規模有礙觀瞻故凡國內外通都大邑俱有建築規則
之制定以資限制設置機關以司監理本埠自德人租借以來亦有前項設施吾國接收以後復制定暫行建

築規則及施行細則俾全埠商民有所取法主管員司有所依據以期發展市政增進福祉法至美而意至善乃市民不諳立法本意多有不俟呈准擅自興工者或有不顧圖樣任意建築者違規事項往往發現檢查者職責所在礙難坐視不問該商會呈稱檢驗太嚴格外苛虐各節如果屬實員司亦有不當本公署一經察覺自有相當懲戒但泛言無據殊難查核究竟何項工程檢驗太嚴何項工程格外苛虐仰卽查明呈復以憑核辦所請諭令屬員格外從寬檢驗一節法紀所在礙難通融並仰傳諭市民務各依法製造毋再玩忽致干未便切切此令

中華民國十三年八月十一日

膠澳商埠督辦公署指令 第一七五〇號

令 警 察 麗

呈一件 呈報鹽戶聚衆拌鬧復誠商號設法禁阻解散情形由

呈及黏單均悉查聚衆滋擾本于例禁此次該鹽戶男婦人等至復誠商號拌鬧實屬罔知利害深堪痛恨據報禁阻解散情形辦理尙無不合仍仰督飭所屬員警應卽查明各該鹽戶集合地點迅速解散勒令各回原籍不許逗遛滋事並飭隨時防範慎勿再有前項情事發生以維治安而靖市面毋違凜遵切切此令附件存

中華民國十三年八月十二日

膠澳商埠督辦公署指令 第一七五二號

令 警 廳 察

呈一件 呈報發封東海日報情形由

據呈已悉查東海日報不遵處分命令擅自出版業經該廳依法制止等情辦法尙無不合惟此次處分停版緣由僅據該廳於來文內聲敘大概情形並未將八月一日原報附呈是屬缺點仰卽迅將是日之東海日報檢呈以備查攷可也毋延切切此令

中華民國十三年八月十二日

膠澳商埠督辦公署指令 第一七五六號

令公立女子兩級小學校

呈一件 呈遵照所發表式造具學校實況表由

呈暨圖表均悉查核繪列各項圖表尙屬清晰准予備案仰卽知照此令圖表存

中華民國十三年八月十二日

▲公牘▼

膠澳商埠督辦公署公函 第七〇三號

逕啓者頃准外交部儉電內開日本現加奢侈品進口稅七月二十六日將公布貴行經本部電致駐日本使館向日政府先行聲明華貨於法案未施行前已在運輸中或正待裝運者請仍照舊率免納除加稅根本問

題仍繼續交涉外仰轉知各商會各實業團體迅將現有運往日本及朝鮮貨物品類運輸裝載日期務向日本稅關報明以備查核并分報本部及駐日本使館作為將來交涉之根據又日外部允為華商竭力設法明速提出請願書以便轉送大藏省俟本年十二月通常國會審議等情請一併飭知遵照等因相應函達即希查照轉知各商可也此致

青島總商會

中華民國十三年八月二日

膠澳商埠督辦公署公函 第七三九號

逕復者前准

貴領事函開以港政局扣留英商和記洋行由上海轉來之外洋煙葉請令行該局於外洋煙酒入口准予免除領照起貨等因准此當經令行港政局查復去後茲據該局復稱查當日該商所持提單因未註明外洋烟葉字樣是以照例令往菸酒經征處報請三聯驗單旋據該商將單取至即將烟葉如數提出并未加以扣留本署亦無通令征收外洋烟酒稅之事考察情形全係商人誤會所致准函前因相應函復即希

查照為荷此致

駐青英領事館

中華民國十三年八月八日

▲布告▼

膠澳商埠督辦公署布告 第四一號

爲佈告事照得禁烟要政關係外交條約與國民衛生政府迭經三令五申各地方亦奉行不懈務期掃除毒藥依限盡絕根株膠澳自開埠以來華洋雜處中經德日管理政令遞擅煙禁早等具文洎我國接收百端待理荏苒至今亦未遑認真查禁以致近來公然開燈吸售以及私自販運者時有所聞流毒地方蔓延日廣本督辦董治膠澳對於煙禁施行責無旁貸現經設立膠澳禁煙局專司本埠禁烟事宜近已妥定規程以期實行禁絕爲此合亟先行曉諭爾商民人等知悉自示之後凡有私運私售鴉片者務卽速行改營正業吸食鴉片者亦卽速行設法戒斷否則一經查獲除勒令改業及戒斷外并須送交法庭依法治罪須知吸售鴉片均係犯罪行爲律有明條斷難寬假與其彌縫隱匿終受法律之制裁何如早自湔除免罹禁錮之羞辱本督辦爲愛惜商民人格起見不忍不教而誅更不恤寬其旣往之愆予以自新之路爾商民人等其心善體此意速滌舊染之污勿待禁令施行仍貽噬臍之悔可也毋稍玩忽凜之切切此佈

中華民國十三年八月十二日

膠澳商埠督辦公署公布 第五號

茲訂定膠澳商埠典當業管理規則公布之此令

膠澳商埠典當業管理規則

第一條 凡在本埠區域內營典當業者均須呈請督辦公署核准註冊發給執照

第二條 典當業者呈請註冊時除依照商業註冊規則及施行細則規定外須覓具殷實鋪保並詳開左列事項呈請督辦公署核辦

(一) 資本金總額

(二) 典當利率

(三) 取贖期限

(四) 營業時間

第三條 典當業按資本數額之多寡分甲乙二等依左列數目分一四七十等月四期征收當捐

甲等 每期二百元

乙等 每期一百元

前項等級以資本五萬元以上者爲甲等不及五萬元者爲乙等但至少不得在一萬五千元以下

第四條 典當利率不得超過月利三分並不得有疊滾利息及預扣利息情事

第五條 利息應扣足滿月計算滿月後過五日者以一個月計不及五日者不計

第六條 典當物取贖之限期應以滿十二個月爲限

前項取贖期滿後得留一個月之猶豫期間

第七條 嘉物者在取贖期內無論何時得完繳本利贖回其物品

第八條 典當業者對於典當物品凡經過第六條所定期限尚未取贖者得自由處分之

第九條 典當業者對於典當物品在取贖期限內須妥為保管並不得使用或借貸之

第十條 典當業者對於典當物品除因火災竊盜致遭燬損應依民法之規定賠償外如有潮腐蟲蝕情事發生亦應負損壞賠償之責

第十一條 典當業者對於當物者所當物品價格協議妥洽時應即填給當票以為憑證票面須載明左列事項並加蓋商號戳記

(一) 當票號數

(二) 當物者姓名及住址

(三) 典當物品名稱

(四) 典當價額

(五) 典當利率

(六) 入當日期

(七) 取贖期間

第十二條 典當業者須備置典當簿將前條當票內所載事項詳細記入並將取贖或處分事項於事後分別載明

前項典當簿至少須保存三年

第十三條 當物者之當票倘有遺失或損壞情事得覓取妥保向典當業者請求補給當票或取贖原物不得另取補票費用

第十四條 典當業者不得收當違禁物品及有傳染病毒未經消毒之物件

第十五條 典當業者對於當物者所持之物品如認為來歷不明或有其他犯罪嫌疑時應即報告警察官署

第十六條 警察官署對於典當業者遇有必要時得檢查其典當物品或帳簿如認為有犯罪或其他嫌疑之物品並得行十日以內之扣押

第十七條 前條扣押物品如查明確係盜竊物時得由警察官署查明被害者適宜處分之若被害者不明時應即布告招領自布告後經過該典當物取贖期限尚無人具領時仍交還典當業者

第十八條 典當業者歇業時應呈請督辦公署核准

前項歇業經核准後應由典當業者登報廣告以六個月為取贖期間但不得有收受典當物品及延壓情事

第十九條 凡本埠已經設立之典當業自本規則公布之日起兩個月內須一律遵照呈請註冊

第二十條 凡已經設立之典當業對於所當物品自本規則公布之日起其利率及取贖期限均應按照本規則所定改訂但對於未改訂以前之典當物品仍得按照舊規辦理

第二十一條 違反本規則之規定者警察廳得處以二月以下一日以上之拘役或一百元以下一元以上

之罰金其情節重大屢犯不悛者並得勒令停止營業

第二十二條 本規則自公布之日起施行

中華民國十三年八月十三日

▲批示▼

膠澳商埠督辦公署批 第九一一四號

華工代表張延慶等

呈請函催膠濟鐵路局速復該代表等前請售賣該路沿綫煤渣積款興學一案由

據呈已悉查該代表等前請售賣膠濟鐵路沿綫煤渣積款興學各情當經本督辦函致膠濟鐵路管理局核復去後茲准復函內開查敝路沿綫各站煤渣在日管時代係由商民包售流弊滋多接收後業已取消承包辦法將所有煤渣留爲填地之用嗣據商民等先後來局呈請包辦計有數起均經批駁在案准函前因復經由局飭機務處查核茲據復稱前項煤渣包辦既多流弊填地復須自用擬俟各段積有成數隨時招標出售較爲適宜該團儘可投標購辦等情相應據情函復卽請查照爲荷等因此合行批示仰卽遵照可也此批
中華民國十三年八月四日

膠澳商埠督辦公署批 第九一一八號

具呈人王道全

呈一件 遵批覓具殷實鋪保請准予發給福盛棧營業執照由
呈暨保狀均悉查日盛永一號業經本署飭廳查明係屬前在警廳註冊有案惟保和棧係屬雙和棧改稱之
商號已將原領舊照託由畜產公會代為請求註冊領照等情具復前來該商所請開設福盛棧一節姑准先
行通融註冊立案並飭科填發營業執照一紙仰卽來署具領可也此批保狀存

中華民國十三年八月十一日

膠澳商埠督辦公署批 第九三五號

原具呈人青島平民房產公會

呈一件 懇請展限驗契期間並補契更名納費悉依驗契規則辦法由

來牘已悉查驗契期間原定期內以一箇月為限市外以兩個月為限既據聲稱限期太促恐多貽誤茲特酌
予展限俟原定期滿後市內市外均一律展期兩箇月以利進行卽由該會轉知各戶遵照至原稱補契更名
納費一節核與不動產證明許可收費規則按價收千分之十或千分之二者相差未免過鉅所謂悉依驗契
規則納費之處礙難照准惟念驗契一項本屬地方要政苟有可以減輕人民負擔者無不曲予通融茲於無
可設法之中在驗契期內折衷改訂卽照原開補契更名各項除有買賣典當及遺贈性質者外按照下列收
費辦法辦理（一）共有物之分割每執照一張納費四元（二）個人私產之合併每原契一張納費四元以上
兩項作為驗契期內臨時特別之規定至驗契期滿以後仍應按照舊章辦理如此通融已屬格外體恤仰卽
轉知各戶共曉斯意務於驗契展限期內從速呈驗切毋延誤是為至要此批

中華民國十三年八月五日

膠澳商埠督辦公署批 第九五三號

批原具呈人青島市民房產公會

呈一件 請仍由各該房主自行辦理登記由

據呈已悉查房產驗契規則第十一條之規定原爲各該房主保障權利起見茲旣據稱往返手續頗費周折
懇由各該房主自行登記較爲穩妥等語應准如所請將呈驗契據直接發還惟發還後務須由各該房主自行速向審判廳登記以資保障切勿因循自誤致貽後悔除函審判廳查照外仰卽轉知遵照辦理此批

中華民國十三年八月七日

山東青島地方審判廳刑事判決

一件 鄭永暄吸食鴉片一案

主 文

鄭永暄吸食鴉片烟處五等有期徒刑二月未決期內羈押日數准以二日折抵刑期一日

鄭永照吸食鴉片煙處五等有期徒刑二月未決期內羈押日數准以二日折抵刑期一日

古禮寬吸食鴉片煙處五等有期徒刑二月未決期內羈押日數准以二日折抵刑期一日

煙槍二枝煙探二個煙燈二蓋烟盤二個淋煙子一個煙盆一個烟缸一個煙勺一個烟刀一把大小煙

盒十三個煙斗子四枝烟灰鐵盒五個煙水二瓶戥子一個烟斗八個煙燈帶罩一個沒收之

中華民國十三年六月十六日

一件 孫興祥竊盜一案

主文

孫興祥搬運贓物減處拘役一月未決期內羈押日數准以二日折抵刑期一日

中華民國十三年六月十六日

一件 王景海竊盜一案

主文

王景海共同竊盜處五等有期徒刑二月未決期內羈押日數准以二日折抵刑期一日

中華民國十三年六月十四日

一件 宮垂茲竊盜一案

主文

宮垂茲竊盜處五等有期徒刑三月未決期內羈押日數准以二日折抵刑期一日

孫成軍李祥文無罪

中華民國十三年六月十四日

一件 劉玉才妨害業務一案